

大唐西京千福寺多寶佛

塔感應碑文



南陽岑勛撰



朝議郎

判尚書武部員外郎琅

邪顏真卿書



朝散大

夫撿校尚書都官郎中

東海徐浩題額



粵妙法蓮華諸佛之祕藏
也多寶佛塔證經之踴現
也發明資乎十力弘建在
於四依有禪師法号楚金
姓程廣平人也祖父並信

著釋門慶歸法胤母高氏
久而無妊夜夢諸佛覺而
有娠是生龍象之徵無取
熊羆之兆誕弥厥月炳然
殊相岐嶷絕於輦茹髭齒
不為童遊道樹萌牙觶豫

章之楨幹禪池畎澮涵巨
海之波濤年甫七歲居然
厭俗自誓出家禮藏探經
法華在手宿命潛悟如識
金環摠持不遺若注瓶水
九歲落髮住西京龍興寺

從僧錄也進具之年昇座
講法頃收珍藏異窮子之
疾走直詣寶山無化城而
可息尔後因靜夜持誦至
多寶塔品身心泊然如入
禪定忽見寶塔宛在目前

釋迦分身遍滿靈界行動
聖現業淨感深悲生悟中
淚下如雨遂布衣一食不
出戶庭期滿六年摺建茲
塔既而許王瓘及居士趙
崇信女普意善來稽首咸

捨珍財禪師以為輯莊嚴
之因資爽塏之地利見千
福默議於心時千福有懷
忍禪師忽於中夜見有一
水發源龍興流注千福清
澄泛灩中有方舟又見寶

塔自空而下久之乃滅即
今建塔處也寺內淨人名
法相先於其地復見燈光
遠望則明近尋即滅竊以
水流開於法性舟泛表於
慈航塔現兆於有成燈明

示於無盡非至德精感其
孰能與於此及禪師建言
雜然歡悵負畚荷插于橐
于囊登登憑憑是板是築
灑以香水隱以金鋌我能
竭誠王乃用壯禪師每夜

於築階所懇志誦經勵精
行道衆聞天樂咸嗅異香
喜歎之音聖凡相半至天
寶元載創構材木肇安相
輪禪師理會佛心感通
帝夢七月十三日勅內

侍趙思侶求諸寶坊驗以
所夢入寺見塔禮問禪師
聖夢有孚法名惟肖其日
賜錢五十萬絹千匹助建
修也則知精一之行雖先
天而不違純如之心當後

佛之授記晉漢明永平之
日大化初流我皇天寶
之年寶塔斯建同符千古
昭有烈光於時道俗景附
檀施山積庀徙度財功百
其倍矣至二載勅中使

楊順景宣

百令禪師於

花萼樓下迎多寶塔額遂

摠僧事備法儀宸睠俯

臨額書下降又賜絹百疋

聖札飛毫動雲龍之氣象

天文挂塔駐日月之光輝

至四載塔事將就表請慶
齋歸功 帝力時僧道四
部會逾萬人 有五色雲團
輔塔頂衆盡瞻覩莫不歆
悅大哉觀佛之光利用賓
于法王禪師謂同學曰鴈

運滄溟非雲羅之可頓心
遊疴滅豈愛網之能加精
進法門菩薩以自強不息
本期同行復遂宿心鑿井
見泥去水不遠鑽木未熟
得火何階凡我七儒幸懷

一志晝夜塔下誦持法華
香煙不斷經聲遞續炷以
為常沒身不替自三載每
春秋二時集同行大德四
十九人行法華三昧尋奉
恩旨許為恒式前後道場

所感舍利凡三千七十粒
至六載欲葬舍利預嚴道
場又降一百八粒畫普賢
變於筆鋒上聯得一十九
粒莫不圓體自動浮光瑩
然禪師無我觀身了空求

法先刺血寫法華經一部
菩薩戒一卷觀普賢行經
一卷石取舍利三千粒盛
以石中無造自身石影跪
而戴之同置塔下表至敬
也使夫舟遷夜壑無變度

門劫筭墨塵永垂貞範又
奉為主上及蒼生寫妙
法蓮華經一千部金字三
十六部用鎮寶塔又寫一
千部散施受持靈應既多
具如本傳其載勅內侍

吳懷寶賜金銅香爐高一
丈五尺奉表陳謝手詔批
云師弘濟之願感達人天
莊嚴之心義成因果則法
施財施信所宜先也主
上握至道之靈符受如來

之法印非禪師大慧超悟
無以感於宸衷非主
上至聖文明無以鑒於誠
願倬彼寶塔為章梵宮經
始之功真僧是葺克成之
業聖主斯崇尔其為狀

也則岳簪蓮披雲垂蓋偃
下欵嶕以踴地上亭盈而
媚空中暎暎其靜深旁赫
赫以弘敞礪礪承陞琅玕
綷檻玉瑱居楹銀黃拂戶
重簷疊柱畫拱反宇環其

辟璫坤靈鼎屬以負砌天
祇儼雅而翊戶或復肩架
摯鳥肘掇脩蛇冠盤巨龍
帽抱猛獸勃如戰色有與
其容窮繪事之筆精選朝
英之偁贊若乃開扇鏑窺

奧祕二尊分座疑對鷲山
千帙發題若觀龍藏金碧
晃晃環珮葳蕤至於列三
乘分八部聖徒翕習佛事
森羅方寸千名盈尺萬象
大身現小廣座能卑須弥

之容歟入芥子寶蓋之狀
頓覆三千昔衡岳思大禪
師以法華三昧傳悟天台
智者爾來寂寥罕契真要
法不可以久廢生我禪師
克嗣其業繼明二祖相望

百年夫其法華之教也開
玄關於一念照圓鏡於十
方指陰界為妙門駢塵勞
為法侶聚沙能成佛道合
掌已入聖流三乘教門摠
而歸一八萬法藏我為最

雄譬猶滿月麗天螢光列
宿山王映海蟻垤羣峯嗟
乎三界之沈寐久矣佛以
法華為木鐸惟我禪師超
然深悟其皃也岳瀆之秀
冰雪之姿果脣貝齒蓮目

月面望之厲即之溫觀相
未言而降伏之心已過半
矣同行禪師抱玉飛錫襲
衡台之祕躅傳止觀之精
義或名高帝選或行密
衆師共弘開示之宗盡契

圓常之理門人苾芻如巖
靈悟淨真真空法濟等以
定慧為文質以戒忍為剛
柔含朴玉之光輝等旃檀
之圍繞夫發行者因因圓
則福廣起因者相相遣則

慧深求無為於有為通解
脫於文字舉事徵理含毫
強名偈曰



佛有妙法比象蓮華圓頓
深入真淨無瑕慧通法界
福利恒沙直至寶所俱乘

大車

其一

於戲上士發行正

勤緬想寶塔思弘勝因圓

階已就層覆初陳乃昭

帝夢福應天人

其二

輪奐斯

崇為章淨域真僧草創

聖主增飾中座眈眈飛簷

翼翼荐臻靈感歸我帝

力^{三其}念彼後學心滯迷封

昏衢未曉中道難逢常驚

夜杵還懼真龕不有禪伯

誰明大宗^{四其}大海吞流崇

山納壤教門稱頓慈力能

廣功起聚沙德成合掌開
佛知見法為無上其情塵
雖雜性海無漏定養聖胎
染生迷轂斷常起縛空色
同認蒼菴現前餘香何嗅
其彤彤法宇繫我四依事

該理暢玉粹金輝慧鏡無
垢慈燈照微室王可託本

願同歸

其七

天寶十一載歲次壬辰
四月乙丑朔廿二日戊
戌建



勅檢校塔使正

議大夫行內侍趙思侶

判官內府丞車沖

檢校僧義方

河南史華